



Broj: 03-40-1205/18
Vogošća, 28.09.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi-Filijala Mostar broj: JN2-03-07-1-1114-9/18 od 20.09.2018. godine i čl. 71. i 125. Statuta Općine Vogošća ("Službene novine Kantona Sarajevo" broj 27/14 i 14/15 Prečišćeni tekst), Općinski načelnik dana 28.09.2018. godine donio je

ODLUKU
O PONIŠTENJU POSTUPKA JAVNE NABAVKE RADOVA NA IZGRADNJI DJEČIJEG
IGRALIŠTA U MZ GORA, POSTAVLJANJU ZAŠTITNE OGRADE OKO DJEČIJEG IGRALIŠTA
U ULICI REMZIJE VEJE, POSTAVLJANJU OGRADE I RIZLE NA DJEČIJEM IGRALIŠTU U
SVRAKAMA I POSTAVLJANJU OGRADE NA DJEČIJEM IGRALIŠTU U ULICI SPASOJE
BLAGOVČANINA NA PODRUČJU OPĆINE VOGOŠĆA

Član 1.

Poništava se postupak javne nabavke po Konkurentskom zahtjevu za dostavu ponuda za izvođenje radova na izgradnji dječijeg igrališta u MZ Gora, postavljanju zaštitne ograde oko dječijeg igrališta u ulici Remzije Veje, postavljanju ograde i rizle na dječijem igralištu u Svrakama i postavljanju ograde na dječijem igralištu u ulici Spasoje Blagovčanina na području općine Vogošća, jer nijedna od pristigla ponuda nije prihvatljiva.

Član 2.

Ovom Odlukom stavlja se van snage Odluka o izboru najpovoljnijeg ponuđača za izvođenje radova na izgradnji dječijeg igrališta u MZ Gora, postavljanju zaštitne ograde oko dječijeg igrališta u ulici Remzije Veje, postavljanju ograde i rizle na dječijem igralištu u Svrakama i postavljanju ograde na dječijem igralištu u ulici Spasoje Blagovčanina na području općine Vogošća broj: 03-40-1205/18 od 06.08.2018. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 09.07.2018. godine donio Odluku o pokretanju postupka Konkurentskog zahtjeva za dostavu ponuda za izvođenje radova na izgradnji dječijeg igrališta u MZ Gora, postavljanju zaštitne ograde oko dječijeg igrališta u ulici Remzije Veje, postavljanju ograde i rizle na dječijem igralištu u Svrakama i postavljanju ograde na dječijem igralištu u ulici Spasoje Blagovčanina na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 10.07.2018. godine pod brojem: 1353-7-3-90-3-49/18.

Ispravka obavještenja o nabavci objavljena je na Portalu javnih nabavki BiH dana 19.07.2018. godine pod brojem: 1353-7-3-90-8-53/18.

Dana 06.08.2018. godine Općina Vogošća kao Ugovorni organ je donijela Odluku o izboru najpovoljnijeg ponuđača broj: 03-40-1205/18 kojom je kao najpovoljniju ponudu u predmetnom postupku ocijenila ponudu ponuđača "Sela" d.o.o Sarajevo.

Na predmetnu Odluku izjavljena je žalba od strane ponuđača "Babel" d.o.o. Sarajevo dana 10.08.2018. godine.

Ured za razmatranje žalbi BiH-Filijala Mostar, rješavajući po žalbi Žalitelja "Babel" d.o.o. Sarajevo je dana 20.09.2018. godine donio Rješenje broj: JN2-03-07-1-1114-9/18, kojim se usvaja žalba Žalitelja "Babel" d.o.o. Sarajevo kao djelimično osnovana i poništava Odluka o izboru najpovoljnijeg ponuđača broj: 03-40-1205/18 od 06.08.2018. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar iznesenim u predmetnom Rješenju i u skladu sa Zakonom o javnim nabavkama BiH.

U obrazloženju osnovanosti žalbe URŽ BiH-Filijala Mostar u svom Rješenju navodi sljedeće:

"Žalilac nadalje ističe da je izabrani ponuđač za tačku III Obrasca za cijenu ponude-pod red. brojem 3. nabavka i ugradnja njihalice, dostavio kataloški list za njihalicu model Nj-K, proizvođača IstraCom d.o.o. Sanski Most, a dostavljeni certifikat je vlasništvo firme KBT iz Poljske, te da tražena dokumentacija nije uredna, jer se priloženi certifikat ne odnosi na ponuđeni proizvod i nije vlasništvo proizvođača IstraCom d.o.o. Sanski Most.

Uvidom u ponudu izabranog ponuđača utvrđeno je da je isti dostavio kopiju dokumenta naslovljenog Type goedkeuring certificaat/Type approval vertificate, gelevered door/delivered by Sint-Amands; Belgie od 20.08.2012. godine (str. 74. i 75. Ponude). Dokument je dakle, priložen na jeziku koji se ne koristi u službenoj upotrebi u BiH, te se iz istog ne može utvrditi da je riječ o zahtjevanom certifikatu koji se odnosi na ponuđenu robu. S tim u vezi ovoj organ smatra da dostavljeni dokument u ponudi izabranog ponuđača ne dokazuje da je ponuđena oprema u skladu sa evropskim standardom EN 1176-1 i EN 1176-6 (kako to zahtjeva Obrazac za cijenu ponude), te se razmatrani žalbeni navod žalioca smatra osnovanim, pri čemu se naglašava da TD u tački 8.2.3. predviđa da ponuda i svi dokumenti moraju biti napisani na jednom od službenih jezika u BiH".

Shodno gore iznesenom, a uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-1114-9/18 od 20.09.2018. godine, ponuda ponuđača "Sela" d.o.o Sarajevo nije formalno pravno ispravna i kao takva nije prihvatljiva za Ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Babel" d.o.o Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 8.2.1. stav 8. TD, a u skladu sa članom 51. Zakona o javnim nabavkama BiH je propisano da Ponuda mora da sadrži sljedeće elemente i to: Obrazac pismene izjave iz člana 51. Zakona o javnim nabavkama BiH ("Službeni glasnik BiH" broj 39/14), sačinjen i popunjen u skladu sa šemom koja je data u Aneksu 6. tenderske dokumentacije, potpisana i ovjerena od strane ponuđača. Također, članom 2. stav 3. Uputstva o izmjeni uputstva za pripremu modela tenderske dokumentacije i ponuda ("Službeni glasnik BiH", broj: 20/15) je propisano: "U Izjavi o ispunjenosti uslova iz člana 51. tačkama c), d), i f) (Tehnička i profesionalna sposobnost u postupku nabavke radova) Zakona o javnim nabavkama ("Službeni glasnik BiH", broj: 39/14) tekst "Potpis i pečat nadležnog organa:" mijenja se i glasi "potpis i pečat ponuđača/kandidata".

Ponuđač "Babel" d.o.o Sarajevo je u svojoj Ponudi (strana 20. Ponude) dostavio potpisanu Izjavu o ispunjenosti uslova iz člana 51. tačkaka c) i f) Zakona, međutim propustio je da istu ovjeri svojim pečatom.

Komisija za javne nabavke cijeni da dostavljena Izjava bez otiska pečata ponuđača nije u skladu sa postavljenim zahtjevima ugovornog organa iz tačke 8.2.1. stav 8. TD i da ista ne ispunjava uslove postavljene u TD kao ni uslove propisane odgovarajućim podzakonskim aktom.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a uz uvažavanje navoda iz Rješenja Ureda za razmatranje žalbi BiH-Filijala Mostar broj: JN2-03-07-1-1114-9/18 od 20.09.2018. godine Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na izgradnji dječijeg igrališta u MZ Gora, postavljanju zaštitne ograde oko dječijeg igrališta u ulici Remzije Veje, postavljanju ograde i rizle na dječijem igralištu u Svrakama i postavljanju ograde na dječijem igralištu u ulici Spasoje Blagovčanina na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijek: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- 1 "Sela" d.o.o. Sarajevo
2. "Babel" d.o.o. Sarajevo
3. Nadležnoj Službi
4. U dosije
5. a/a

033/592-005

033/644-946

OPĆINSKI NAČELNIK


Edin Smajlić